

Lid ar peoc'h :

*Ar beleg : Salver Jezuz-Krist... a-holl-viskoazh da virviken.
Peoc'h hor Salver a vo bepred geneoc'h.* **R/ : Ha get ho spered !**

Oan Doue :

Oan Doue a lam pec'hedoù ar bed : ho pezit truez doc'homp ! (bis)
Roit deomp ar peoc'h !

Kent ar gomunion :

*Ar beleg : Eürus ar re a zo galvet da bred santel an Oan.
Setu Oan Doue, an hini a lamm pec'hed ar bed :*

**R/ : Man Doue, ned on ket dign ma teet davedon,
met lârit ur ger hepken hag e vo aesaet din.**

Komunion :

'Vel un tad mat ha tener,
Doue ho kalv get karantez
Dait, a lâr deoc'h get douster,
Rak c'hwi zo ma bugale.
A-werso vras bouezh Jezuz
Ho kouvi e pep feson,
Hag e zorn karantezus
A sko àr dor ho kalon.
Dait enta get koñfians
Ha disammit ho kalon ;
N'ho pezet na mezha na doujañs
Doue a roy deoc'h ar pardon.
En ul levezet hep par
E vo beuzet ho ene,
Ha redek a ray ho tar,
Un dar a wir garantez.

'Cit kloziñ an oferenn :

Ar beleg : An Aotrou Doue geneoc'h : **R/ : Ha get ho spered !**
Ar beleg : Doue hollgelloudek d'ho pennigiñ :
An Tad, ar Mab hag ar Spered Santel. **R/ : Amen !**
Ar beleg : Kerzhit e peoc'h hor Salver : **R/ : Bennozh da Zoue !**

Kan-dibenn :

Intron santez Anna, diskouezit d'ho pugale,
Diskouezit 'vel d'o zadoù douster ha karantez,
Ar ho pobl lan a feiz daet amañ a voadad,
Strewit get largantez ho krasoù, ô Mamm vat.
Hon tud kozh en hor raok, a zeuae setu gwerso,
D'hoc'h enoriñ amañ avel Rouanez ar vro,
Gouarn a ra ho chapel etre he mangoarioù,
Fronde bev o c'harantez, frond c'hwec o fedennoù.

Parrez KerAnna

2^e Sul ar Choareiz

5 a viz Meurzh 2023

« *Savit, ha n'ho pezit ket aon !* »

Kan digor :

**Mall-bras eo din, pec'hour,
Distroñ doc'h ma C'hroueour ! (2 wezh)**

Ha c'hwi 'venn atav dispriziñ,
Bouezh ar C'hroueour, Mestr holl ar bed ?
Emañ gwerso doc'h ho kalviñ :
Chom a rehet-c'hwi bouar bepred ?
Goude ma 'n deus Doue ho kroueet
Dre vadelezh ha karantez,
Hañval 'vehe eh oc'h er bed
'Veit gober poan dezhañ bemdez !
Er stad ma 'n em gavit hiriv,
Eneañ dispartiet doc'h Doue,
Seblant a zo geneoc'h bout bev,
Ha c'hwi 'zo marv e gwirionez.
Devat ho Toue, dait get glac'har
Hag 'n em daolit àr e galon :
Rak ho Tad eo, hag hep arvar
D'ar prodig e roay ar pardon.

Salud d'ar bobl :

*Ar beleg : Gras hor Salver Jezuz-Krist, karantez Doue an Tad
hag unaniezh ar Spered Santel, ra vint geneoc'h-holl :*

Respont : Ha get ho spered !

**Confiteor : Me anzav dirak Doue holl-gelloudek ha dirazoc'h, ma breuder,
am eus pec'het bras dre soñj, dre gomz, dre ober ha dre vank a ober : dre
man gwall, dre man gwall, dre man brasañ gwall.**

**Rak-se e c'houlennan get an Intron Vari bepred gwerc'hez, get an Aeled
ha get an holl Sent, ha geneoc'h-c'hwi, ma breuder, pediñ Doue aveidon.**

Kyrie : Aotrou Doue, ho pet truez doc'homp/Aotrou Krist, ho pet truez doc'homp/
Aotrou Doue, ho pet truez doc'homp.

Lennadenn gentañ : Lennadenn tennet a levr ar C'heneliezh

*An deizioù-se e lâras an Aotrou da Abram : «Kit kuit ag ar vro lec'h ma oac'h
ganet, kuitait ti ho tad ha kerzhit davet an douar a ziskouezin deoc'h. Me a ray
ac'hanoc'h ur vroad vras a dud. Me ho pennigo hag a savo uhel hoc'h anv; drezañ e*

tiskenna àr an douar bennozh an Neañv. Me a vennigo ar re ho pennigo hag a villigo ar re ho milligo. Benniget e vo drezoc'h holl familhoù an douar !» Hag Abram a yas en hent 'vel ma lâre an Aotrou dezhañ, ha Loth a yas getañ.

Setu komz an Aotrou Doue : **R/ : Bennozh da Zoue !**

Psalm 32 : Ra vo ho karantez, Aotrou, àrnomp

'vel m'emañ hor fiziañs ennoc'h.

Gwirion eo lavar an Aotrou,
e fealded en em ziskouez en e holl oberoù.
Kariñ a ra ar justis hag ar reizhted;
leun eo an douar get madelezh an Aotrou.

Met àr e dud fidel e par daoulagad an Aotrou,
war an dud a esper en e garantez,
evit tenniñ o eneñvoù ag ar marv,
hag evit o magiñ e amzer an diover.

Hon eneñv a esper en Aotrou,
eñ a zo hon harp hag hon difenn;
Ra vo àrnomp ho karantez, Aotrou,
'vel m'hon eus esperañs ennoc'h.

Eil lennadenn : Lennadenn tennet ag an eil lizher da Dimoteoz.

Ma mab muiañ-karet : Erbat deoc'h kaout mezhañ enta ag an testoni ho peus da reiñ d'hon Aotrou, na mezhañ ac'hanon-me, e brizoniad; met kentoc'h, sentit gouzañv poan genin evit an Aviel, dre nerzh galloud Doue, eñ hag en deus hor salvet hag hor galvet dre ur c'halvadenn santel, n'eo ket abalamour d'hon oberoù-ni, met abalamour d'e vennozh ha d'e c'hras roet deomp a holl-viskoazh e Jezuz ar C'hrist; ha bremañ emañ daet da vout diskleriet splann, rak en deus en em ziskouezet hor Salver, ar C'hrist Jezuz, eñ hag en deus diskaret ar marv ha lakaet ar vuhez peurbadus da splanniñ dre an Aviel.

Setu komz an Aotrou Doue : **R/ : Bennozh da Zoue !**

Aviel :

Komz peurbadus ag an Tad : gloar deoc'h-C'hwi, Jezuz-Krist !

Komz peurbadus ag an Tad : gloar deoc'h-Chwi, hor buhez !

A-greiz ar goabrenn lugernus e tassion bouezh an Tad :
« Hennen eo ma Mab muiañ-karet : selaouit-Eñ ! ».

Ar beleg : An Aotrou Doue geneoc'h : **R/ : Ha get ho spered.**

Ar beleg : Lennadenn ag an Aviel santel hervez St Mazhev.

R/ : Gloar deoc'h-Chwi, ô Aotrou Krist !

C'hwec'h devezh goude, Jezuz a gemeras getañ Pier, Jak ha Iehann e vreur, hag o hasas en ul lec'h distro àr ur manez uhel, ha dirak-te eñ a zas da vout 'vel un den arall. E fas a lugernas 'vel an heol hag e zilhad a zas da vout gwenn 'vel an erc'h. Hag en un taol, int aet ha gwelet Moiz hag Eli é tiviz getañ. Neuze Pier a lâras da Jezuz : «Aotrou, na kaeret eo deomp bout amañ; mar karit e savimp amañ teir koban : unan deoc'h-c'hwi, unan evit Moiz hag unan evit Eli.» E oa c'hoazh é komz

pa zas ur gogusenn lugernus hag o goleit. Hag ur vouezh a lâras a greiz ar gogusenn : «Hemañ eo ma mab muiañ-karet; getañ emañ ma levenez : selaouit-eñ !» E klevet ar vouezh-se, an disipled a gouezh àr o zal doc'h an douar, spontet-bras. Met Jezuz en ur dostaat dezhe a lakaas e zorn àrnehe hag a lâras : «Savit, ha n'ho pezit ket aon !» Sevel a rezont neuze o daoulagad; met ne welzont den ebet ken nemet Jezuz e-unan. 'Vel ma tiskennent a ziàr ar manez, Jezuz a roas dezhe ar c'hourc'hemenn-mañ : «Na gonzit da zen ebet ag ar pezh ho peus gwelet ken ne zihuno Mab an Den a doueh ar re varv.»

En dibenn : ar beleg : Setu Komz an Aotrou :

R/ : Meuleudi deoc'h, ô Aotrou Krist !

Pedenn hollvedel : Eutru Doue, en ho madelezh, selaouit hor pedennoù.

Lid ar profoù : ar beleg : Pedit, mam breudeur, ma plijo get Doue an Tad holl-gelloudek degemer ma sakrifis a zo ivez ho hani-c'hwi :

R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.

Prefas :

Ar beleg : An Aotrou Doue geneoc'h :

R/ : Ha get ho spered !

Ar beleg : Hor c'halon d'an uhel :

R/ : Emañ troet trema Doue !

Ar beleg : Trugarekaomp hon Aotrou Doue :

R/ : Just ha santel eo !

Santel :

Santel ! Santel ! Santel ! An Aotrou Doue, Mestr ar bed !

Lan eo get ho kloar an ne hag an douar : **Hozanna e lein an ne !**

Benniget an hani a za e anv Doue : **Hozanna e lein an ne !**

Gorreoù : **Degas 'reomp da soñj ag ho marv, Aotrou Krist savet da vev, Ha gortoz a reomp ho tistro.**

Hon Tad : hag a zo en neañv, hoc'h anv ra vo santelaet, Ho rouantelezh degaset deomp, Ho vennantez ra vo graet àr an douar 'vel en neañv. Roit deomp hiriv hor bara pemdeziek, Pardonit deomp hor pec'hedoù, 'vel ma pardonomp d'ar re o deus pec'hed doc'homp, Ha n'hon laosket ket da gouezh en tantasion Met hon diwallit doc'h an droug.

Ar beleg : Plijet geneoc'h, Aotrou Doue,... ha distro hor Salver Jezuz-Krist :

R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.